



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Fvlconi Priori Et conventui sancti Martini de Campis Parisiensis.

urn:nbn:de:hbz:466:1-20020

contradictores, si qui fuerint, vel rebelles per censuram ecclesiasticam appellatione postposita compescendo. Quod si non omnes &c. tu, frater Archiepiscopi, cum eorum altero &c. Datum Laterani 111. Kal. Decembris, anno duodecimo.

FVLCONI PRIORI ET
conventui sancti Martini de Campis
Parisiensis.

D. 147.
Archipresbyter
et monachus
proveniens
Ecclesie S. Ia-
covi de Com-
pitiis.

Olim coram dilecto filio nostro Benedicto tituli sanctae Sulannae Presbytero Cardinale, quem dilectis filiis Archipresbytero sancti Iacobi Parisiensis & magistro H. procuratori vester conceffimus auditorem, idem proposuit procurator quod cum vos, ad quos jus patronatus Ecclesiae sancti Iacobi pertinet, coram Abate sancti Iohannis de Valleia, Archidiacono & Cantore Carnotensisibus, judicibus delegatis a nobis, medietatem proventuum ejusdem Ecclesiae sancti Iacobi petisset; ad vestram fundandam intentionem instrumentum bona memoria Stephani Parisiensis Episcopi ostendit, in quo videbatur idem Episcopus inter certa profiteri quod concessione antecelsorum suorum & sua monasterium vestrum cum presentatione Presbyteri medietatem omnium beneficiorum, quae pro presbiterio Ecclesiae sancti Iacobi ad Presbyterum vel ejus utilitatem quoquo modo perveniant, in eadem Ecclesia obtinebat. Quod Archipresbyter prorsus inficiens allegavit se vel Ecclesiam suam nonnisi tantum in decem libris annuatim solvendis Ecclesiae vestrae pensionis ratione teneri. Cumque super hoc coram premisis fuissest judicibus litigatum, super eo utraque pars testes induxit. Verum cum interim pars vestra proponeret se per dictum Archipresbyterum centum solidis pendente judicio sponiatam, & pars altera nullam penitus rationem quare hoc fecerat allegaret, judices Archipresbytero praepararent ut usque ad certum terminum solidos restituere retraharent, Eccl. vestra super medietate proventuum Ecclesiae sancti Iacobi perpetuum silentium imponentes, cum per depositiones testium, quas inspici fecimus diligenter, vel alio legitimo modo nihil sufficienter constaret esse probatum. Alioquin cum Archipresbyter nihil proposueret aliud quod valeret contra sententiam supradictam, ipsi eandem auctoritate nostra appellatione postposita confirmantes, ipsam per censuram ecclesiasticam facerent inviolabiliter observari. In quorum postmodum presentia partibus

Ccc iij

constitutis, Archipresbyter quædam contra prædictum proposuit instrumentum, propter quæ afferuit nullam ei fidem penitus adhibendam. Primo, quia in sigillo eidem apposito nova cera commixta videbatur antiquæ. Secundo, quia legi ejusdem sigilli litteræ non valebant; quamquam contra juris auctoritatem, secundum quod nihil debuit pendente judicio innovari, dictum sigillum inter moras judicij fucatum fuerit & politum. Tertio, quia Parisiensis Capituli sigillum non erat eidem instrumento appositum, cuius consensus de jure fuerat in concessione hujusmodi requirendus. Quartò, quia paucorum Canonicorum subscriptio[n]es annotata videbantur in ipso. Quinto, quia concessiones prædecessorum Stephani Parisiensis Episcopi, de quibus in eodem instrumento fit mentio, nullatenus apparebant. Prescriptionem insuper ad reprobandum instrumentum prædictum Archipresbyter memoratus objecit. Sed licet super iis omnibus fuisset hinc inde coram dictis judicibus litigatum, & Archipresbyter quæ objeccerat se altereret probaturum, nihil tamen ex ipsis probare curavit infra semestre tempus in nostris litteris comprehensum. Quo transacto, post duos menses presentiam prædictorum judicium adiens allegavit prædicti Episcopi concessionem ipso jure viribus caruisse, cum non constaret ad hoc intervenisse consensum Presbyteri Ecclesiæ memoratae, qui requirendus non immeritor fuerat, cum ex hoc ei præjudicium pararetur. Vnde cum super his & aliis partibus non desinerent altercari, judices de consilio peritorum vos & partem alteram cum negotio sufficienter instructo ad sedem apostolicam remiserunt. Partibus itaque propter hoc nuper in nostra praesentia constitutis, cum Archipresbyter supradicta, quæ contra instrumentum objeccerat, coram nobis etiam iterasset, adicens nihilominus quod prædicta concessio per Episcopum ablique Presbyteri parochialis assentu erat invalida iudicanda, pars vestra inter cetera sic respondit, quod super iis quæ Archipresbyter contra instrumentum objeccerat non erat ulterius audiendus, cum illa nequaquam probaverit infra tempus præfinitum à nobis. Sed & illud pars vestra frivolum reputabat quod de consensu Presbyteri, qui non intervenerat, Archipresbyter ultimò introduxit, cum non probandi Episcopi concessionem invalidam sed reprobandi foliumento instrumentum facultas ei dudum

fuerit reservata; maximè cum infra prætaxati temporis spatiū hoc proponere non curarit. His igitur & aliis quæ utraque pars proposuit intellectis, de fratribus nostrorum consilio sententiam prædictorum judicem approbantes, Archipresbyterum sepedictum super medietate omnium præventuum Ecclesie sancti Iacobi annuatim monasterio vestro reddenda sententialiter duximus condemnandum. Nulli ergo &c. hanc paginam nostræ diffinitionis infringere &c. Si quis autem &c. usque incursum. Datum Laterani XIIII. Kal. Ianuarij, pontificatus nostri anno duodecimo.

DECANO ATREBATENSI.

Epist. 118
Relypsus
ad episcopum C um quidam Presbyteri Atrebaten[s]is Ecclesiæ altario ministrantes, orarium utrique humero imponendo, illud supra pectus in modum crucis disponant, publicè proponentes quod qui aliter portant illud, excommunicationis sunt vinculo innodiati, & tam ibidem quam in nonnullis Ecclesiis in modum crucis orarium à Presbyteris minimè præparetur, quid in hac diversitate tenendum sit à nobis tua devotio requisivit. Super quo devotione tua taliter duximus respondentum quod licet inveniatur in Concilio Bracarense ut sacerdos de uno eodemque orario cervicem pariter & utrumque humerum premens, signum crucis in suo pectori præparet, si quis autem aliter egerit, excommunicationi debitæ sit subiectus, quia tamen iuxta Ecclesia Romanæ consuetudinem aliter observatur, tam hoc quam illo modo potest orarium à Presbyteris absque omni culpa disponi. Datum Laterani Non. Ianuarij, anno duodecimo.

CAPITVLO TULLLENSI.

Epist. 119
De electio[n]e
Episcopi.
Vita Relypsi, 15
3. obit. 1180
ap. L.
Vita Relypsi
lib. 3. cap. 14 Imperito dudum [Mahero] quondam veltro Episcopo super dilapidatione atque perjurio & super eo etiam quod suspensus proponebatur divina officia celebraffe à Gaufrido Tullensi Archidiacono coram nobis, venerabilibus fratribus nostris Cabilonensi & Cathalaunensi Episcopis & dilecto filio Priori Clarevallensi sub certa forma commissimus causam ipsam, attestations quasdam post litem in nostra praesentia super prædictis articulis legitimè contestatam receptas eidem transmittentes inclusas. Coram quibus postmodum partibus constitutis, iudicem demum tam attestations ipsas quam alias ab utraque parte receptas ab eis solemniter publicarunt, & licet ambæ partes à judicibus